



Broj: PD-115/25  
Sarajevo, 11. 3. 2025.

PREDSTAVNIČKI DOM  
PARLAMENTARNE SKUPŠTINE  
BOSNE I HERCEGOVINE  
N/R PREDSEDVAJUĆEG

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 11-03-2025

Organizaciona jedinica	Klasifikaciona oznaka	Redni broj	Broj priloga
01	50-1	662/25	

PREDMET: Poslaničko pitanje u pisanoj formi

U skladu s članom 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 53/22, 59/2, 87/23 i 50/24) postavljam poslaničko pitanje predsjedniku Nezavisnog odbora kao nezavisno tijelo policijske strukture Bosne i Hercegovine, koje glasi:

“Koje radnje i mjere je poduzeo Nezavisni odbor kao nezavisno tijelo Parlamentarne skupštine Bosne i Hercegovine u skladu s nadležnostima iz člana 3. stav (1) tačka c), d) i e) Zakona o nezavisnim i nadzornim tijelima policijske strukture Bosne i Hercegovine (“Službeni glasnik BiH”, broj: 36/08) kako bi utvrdio sljedeće:

1. Na osnovu koje nadležnosti, te s kojom svrhom i ciljem je direktor Državne agencije za istrage i zaštitu Darko Čulum dana 7. marta 2025. godine izdao naredbu/instrukciju, pisanu ili usmenu, zaposlenicima (policijski službenici, državni službenici i ostali zaposlenici) Državne agencije za istrage i zaštitu (u daljnjem tekstu: SIPA-e), Regionalnog ureda sa sjedištem u Banjoj Luci, da napuste svoje radno mjesto, da ponesu svoje lično naoružanje i napuste zgradu, čime je izvršeno svrgavanje i onemogućavanje izvršavanja poslova i zadataka SIPA-e u nadležnosti Regionalnog ureda Banja Luka, a što je i bio zahtjev Ministarstva unutrašnjih poslova Republike Srpske koji je prethodno dostavljen SIPA-i kako bi se proveo protuustavni Zakon o neprimjenjivanju zakona i zabrani djelovanja vanustavnih institucija BiH kojeg je usvojila Narodna skupština Republike Srpske na 18. posebnoj sjednici.

2. Budući da je izdana naredba/instrukcija od strane direktora SIPA-e, pisana ili usmena, u suprotnosti sa utvrđenim dužnostima i odgovornosti direktora SIPA-e u članu 8. Zakona o Državnoj agenciji za istrage i zaštitu (“Službeni glasnik BiH”, broj: 27/04, 63/04, 35/05, 49/09 i 40/12), da li ste i kada inicirali pokretanje disciplinskog postupka radi utvrđivanja odgovornosti za težu povredu službene dužnosti iz člana 105, stav (1), tačke: 1., 6., 7., 9., 10., 13., 15. i 23. Zakona o policijskim službenicima (“Službeni glasnik BiH”, broj: 27/04, 63/04, 5/06, 58/06, 18/08, 50/08, 63/08, 35/09, 7/12 i 42/18).

3. S obzirom da su mediji objavili informaciju da je Ministarstvo unutrašnjih poslova Republike Srpske (u daljnjem tekstu: MUP RS-a) dostavilo zahtjev SIPA-i da svi zaposleni u Regionalnom uredu Banja Luka, dana 7. marta 2025., napuste zgradu, čime je izvršeno svrgavanje te institucije i zabrana djelovanja, što predstavlja obilježja krivičnog djela iz člana 156. "Napad na ustavni poredak" Krivičnog zakona Bosne i Hercegovine, odredba "tko na protivpravan način pokuša da svrgne najviše institucije Bosne i Hercegovine", da li ste i kada o tim okolnostima obavijestili Tužilaštvo Bosne i Hercegovine radi utvrđivanja odgovornosti ovlaštenih osoba MUP-a RS-a koje su pokrenule aktivnosti radi zabrane djelovanja SIPA-e u Banjoj Luci podnoseći takav zahtjev prema najvišem policijskom organu Bosne i Hercegovine.

U prilogu vam dostavljam medijske objave o predmetnom slučaju.

**Molim vas da mi u najkraćem roku odgovorite na postavljena pitanja.**


S poštovanjem,

Priloga: 2)

Dostavljeno:

1. Naslovu,
2. a/a.

POSLANIK  
PREDSTAVNIČKOG DOMA



Jasmin Emrić

## PRILOG 1.

NEPOTAKEN

### Ko je naredio uposlenicima SIPA-e u Banjoj Luci da napuste objekat u Dodikovoj očajničkoj epizodi

Pisak 2.11.17  
117  
145



Rad Državne agencije za istrage i zaštitu (SIPA) u Regionalnom uredu u Banjoj Luci danas je privremeno spriječen. Međutim, način i okolnosti koje su dovele do takvog razvoja događaja je obavljen nizom nelogičnosti i velikim manjkom informacija.



Vijesti  
Hano u Srbiji: Studenti blokirali HTS...  
Socijalistički pokret...  
Ahmed el Sharaa obecao odgovornost...  
DVA ČUJUNA  
Četvoro zastupnika blokiralo naredbu hitne evakuacije...  
Zašto

Svi zaposlenici SIPA-e u Banjoj Luci jutros su dobili obavijest, odnosno naredjenje pretpostavljenog da napuste zgradu i da ponesu svoje oružje. Zahtjev za napuštanje objekta je stigao iz MUP-a Republike Srpske. I tu se nameće cijeli niz pitanja.

Zakoni koje je Narodna skupština RS-a usvojila pod dirigentskom palicom Milorada Dodika, predsjednika entiteta o zabrani rada SIPA-e, VSTV-a, Suda i Tužilaštva BiH u spomenutom entitetu danas su se počeli primjenjivati, barem na papiru.

Dodiku je trebala epizoda kao pokazna vježba da se zakoni koje je usvojio primjenjuju i stoga je MUP RS-a poslao zahtjev SIPA-u u Banjoj Luci. Ubrzo je potvrđeno da su zaposleni napustili objekat, da bi nakon toga direktor SIPA-e Darko Čulum poručio da policija RS-a nije ušla u zgradu SIPA-e u Banjoj Luci, kako se prvobitno pojavila informacija te da centralni ured SIPA-e u Istočnom Sarajevu radi nesmetano.

No, Čulum nije odgovorio na ključno pitanje, a to je ko je dao naredbu da zaposleni u uredu u Banjoj Luci napuste zgradu? Kako je moguće da bilo ko izda naredbu u državnoj agenciji po zahtjevu nižeg, entitetskog nivoa? Ko su ti pretpostavljeni koji su poslušali MUP RS-a i da li rade za Dodika ili za državu?

Dalje, zašto je MUP RS-a zatražio samo od zaposlenih u Banjoj Luci da napuste objekat, a ne i u centralnom uredu u Istočnom Sarajevu?

**Report**

NEZAVISNI ODBOR PSBiH

**Razgovarano o sigurnosnoj situaciji: Šta se u petak dešavalo u SIPA-i u Banjoj Luci? Ćulum odgovarao na pitanja o sastanku s Dodikom**



„Mi smo značajan dio današnje sjednice posvetili tom izuzetno važnom pitanju. Svjesni smo zabrinutosti zbog i informacija i dezinformacija koje su se u petak pojavile u vezi sa zabranom rada Ureda SIPA-e u Banjoj Luci i stoga smo danas od direktora Ćuluma tražili sve neophodne odgovore. Ono što ja u ovom trenutku mogu reći jeste da nam je rečeno da su uposlenici SIPA-e iz banjalučkog Ureda otišli ranije kućama u petak, ali da to nije bilo uslovljeno izvršenjem bilo čije naredbe iz MUP-a RS.

Ćulum nam je kazao da je takvu odluku donio isključivo na svoju odgovornost, jer je procjena bila da se tako djeluje imperativno s ciljem izbjegavanja bilo kakve potencijalne mogućnosti za neki i verbalni incident, s obzirom na neke informacije kojima je raspolagao, a koje mu nisu bile dostavljene pismenim putem, te da je on o toj svojoj odluci razgovarao i s nekim drugim predstavnicima iz državnih institucija.

Mi smo saznali sve detalje o tome i oni su ušli zapisnik, te će se, ukoliko bude potrebe o tome očitovati neki drugi organi.

Također, Odboru je potvrđeno da u petak niko iz MUP-a RS nije dolazio u prostorije SIPA-e.